



Uunga ingerlasoq; Inatsisartunut ilaasortaq Erik Jensen, Siumut
e-mail-ikkut uunga nassiussaq: inatsisartut@inatsisartut.gl

§ 37 2020-024-imut apeqqummut akissut

24-02-2020

Asasara Erik Jensen

Sags nr. 2020 – 2648/AN 2020-
3187

Inatsisartut Suleriaasiat § 37, imm. 1 naapertorlugu Naalakkersuisunut ikiaroonartut
aanngajaarniutit pillugit apeqquteqaateqarsimavutit. Apeqqut uannit akisassatut in-
nersuunneqarpoq.

Postboks 1037
3900 Nuuk
Oqarasuaat (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1. Nunatsinni ilanngaaserisut (told-rit) siorna pingasunik (Ilulissani marluk Kangerlussuarmilu ataatsimik) amerlineqarnerat qanoq sunniuteqarpa?

Apeqqut 1-imut akissut:

Akilerartarnermut Aqutsisoqarfik ilanngaaserisunik marlunnik nutaanik Ilulissani
atorfinitisitsisimavoq, 1. Maj 2018-imi aamma 1. September 2018-imi. Tamatuma
periarfissanngortissimavaa annertunerusumik mittarfimmi assinganillu talittarfeqarfimmi
nakkutilliinermik suliniuteqarnissaq.

Ilanngaaserisunik sulisussarsiuussineq aamma attassiinneq, kiisalu
immikkuullarissumik tingerlaatinik nakkutillineq pillugit paasisutissat itinerusut
paasinissaannut, § 37 2019-302-mut apeqqummut akissutinnut innersuuppakkit.

Kangerlussuarmi pissutsinut tunngatillugu taaneqarsinnaavoq, piffissami kingullertigut
Akikeraartarnermut Aqutsisoqarfik ilanngaaserisunik qimmilinnik atorfinitisitsisimammatt.
Maannakkumut Kangerlussuarmi ataatsimik ilanngaaserisumik atorfinitisitaqarpoq,
aamma Akilerartarnermut Aqutsisoqarfik ilanngaaserisumik sulii ataatsimik
atorfinitisitaarsiorpoq. Atorfimmut neqeroorutip qinnuteqarfissaa kingulleq 24.
Februuari 2020-mut ullulerneqarsimavoq, aamma uani atuarneqarsinnaavoq:

Kalaallisut:

<https://naalakkersuisut.emply.net/recruitment/vacancyAd.aspx?publishingId=86a3accb-5e36-4fe9-8858-de7ab5f20165&languageKey=kl-GL>

Qallunaatut:

<https://naalakkersuisut.emply.net/recruitment/vacancyAd.aspx?publishingId=86a3accb-5e36-4fe9-8858-de7ab5f20165&languageKey=da-DK>

2. Anngiortumik ikiaroonartumik eqqussuiniarnermi atorfilittat amerlineqar- nerisigut arsaarinnissutaasartut annertusippat?

Apeqqut 2-mut akissut:

Amerlanerusunik sulisoqarneq annertunerusumik nakkutilliinermik periarfissiissaaq. 2019-imi ikiaroomartunik aanngajaarniutinik unioqqutitsilluni eqqussuinerit kiisalu aningaasanik annissinerit pillugit sukanganerusumik nakkutilliisoqarsimavoq. Tamatuma kingunerisimavaa 39 kg-mik hashimik suliassanut 97-inut agguataakkanut arsaarinninnerit, 2018-imut naleqqiullugu 1,3 kg-p miss. annertunerusumik. Taakku saniatigut 6.649.096 kr.-t aningaasat tigussaasut arsaarinnissutaasimapput, taakku suliareqqitassatut politiinut ingerlateqqinneqarsimapput. 2018-imi aningaasat tigussaasut arsaarinnissutit 2.238.550 kr.-usimapput.

3. Anngiortumik ikiaroomartumik eqqussuiniarneq akiorniarlugu Naalakkersuisut qanoq pilersaaruteqarpat?

Apeqqu 3-mut akissut:

Ikiaroomartunik eqqussuineq Naalakkersuisunit annertuumik aarlerititsivoq, ingammik inuusuttortatinnut tunngatillugu. Taamaammat ikiaroomartumik eqqussuineq Naalakkersuisunit annertuumik ukkatarineqarpoq. Taamaammattaaq ilanngaaserineq pitsanngorsarniarlugu aningaasaliissutit ilaneqarsimapput. 2019-imi Akileraartarnermut Aqutsisoqarfik ilanngaaserinerit periusissiaq nutaaq Inussuk pilersissimavaa, tamanna Akileraartarnermut Aqutsisoqarfiup nittartagaani uani atuarneqarsinnaavoq:

Kalaallisut:

https://aka.gl/~media/Skattestyrelsen/Om%20Skattestyrelsen/Toldstrategi/Toldstrategi%20Inussuk_KAL.pdf

Qallunaatut:

https://aka.gl/~media/Skattestyrelsen/Om%20Skattestyrelsen/Toldstrategi/Toldstrategi%20Inussuk_DK.pdf

4. Atorfilittat (told-it) amerleqqinniarneqarpat?

- **Aappiussappat qaqugu aammalu sumi atorfinitsinniarneqassappat?**

Apeqqu 4-mut akissut:

Akissut 1-i takuuk.

5. Anngiortumik ikiaroomartumik eqqussuiniarneq akiorniarlugu Naalakkersuisut aningaasaliissutissanik ilasiniarpat?

Apeqqu 5-imut akissut:

Naalakkersuisut ineriartorneq qanimut malinnaaffigaat aamma nunatta karsianit suliassaqarfiit akimut aningaasaliiffigineqarneri pingaarnersiorneqarneranut pisariaqartitat ingerlaavartumik nalilersuiffigai.

6. Naalakkersuisut qallunaat Nunaata inatsisinut atuutsitsinermut ministeriaqarfia suleqatigalugu anngiortumik ikiaroomartumik eqqussuiniarneq pillugu suliniarnertik annertusarsimavaat?

- **Qanoq qangalu?**

Apeqqu 6-imut akissut:

Akileraartarnermut Aqutsisoqarfiup ikiaroonartumik eqqussuineq pillugu politiit qanimut suleqatigivai. Taassuma saniatigut 2019-imi suliat 97-iusut apeqqut 2-mut akissummi taaneqartut innersuunneqarput.

7. Kalaallit Nunaanni ikiaroonartumik eqqussuiniarnermut akiuniartut politiit atorfillit qassiuppat?

Apeqqut 7-imut akissut:

Kalaallit Nunaanni politiit sinnerlugit akissuteqaateqartoqarsinnaanngilaq.

Politiit nittartagaanni ukiumut naatsorsoqqissaakkat nutaajunerusut ersersippaat, 2018-imi Kalaallit Nunaanni politiit ukiumut sulisut 316-iusimasut, takuuk nittartagaq: <https://politi.gl/statistik-og-udgivelser/aarsstatistik>. Toqqaannartumik ersinngilaq ukiumut sulisut taakku akornanni qassit ikiaroonartumik eqqussinermut tunngatillugu suliaqarsimanersut, kisianni ikiaroonartumik eqqussuineq pillugu suliat amerlassusaat il. il. ikiaroonartumik pinerluutunut tunngasumut immikkoortortami siornatigut naatsorsoqqissaakkani taasani atuarneqarsinnaapput.

Inussiamersumik inuulluaqqusillunga

Med venlig hilsen


Vittus Qujaukitsoq